



周禮

六

117

服部文庫
117
180
6



117
180
76



周禮卷三十

漢大司農北海鄭玄註

皇明後學東吳葛高訂

司馬政官之職

小司馬之職掌

此下字脫滅禮爛文闕漢興求之不得遂無識其數者

凡小祭祀會同饗射師田喪紀掌其事如大司馬之灋

軍司馬闕

輿司馬闕

司馬

司馬政官之職

一

水鏡

行司馬

司勳掌六鄉賞地之灋以等其功。

賞地賞田也在遠郊之內屬六鄉焉等猶差也以功大小為差

王功曰勳

輔成王業若周公

國功曰功

保全國家若伊尹

民功曰庸

法施於民若后稷

事功曰勞

以勞定國若禹

治功曰力

制法成治若咎繇
○咎音羔繇音遙

戰功曰多

尅敵出奇若韓信陳平
司馬法曰上多前虜

凡有功者銘書于王之太常祭于大烝司勳詔之。

銘之言名也生則書于王旌以識其人與其功也死則於烝先王祭之詔謂告其神以辭也盤庚告其卿大夫曰茲予大享于先王爾祖其從與享之是也今漢祭功臣於廟庭○識音志與音預

司農

卷三

司馬政官之職

二

考禮

大功司勳藏其貳

貳猶副也功書藏于天府又副於此者以其主賞

掌賞地之政令

政令謂役賦

凡賞無常輕重眡功

無常者功之大小不可豫

凡頒賞地參之一食

鄭司農云不以美田為采邑玄謂賞地之稅參分計稅王食其一也二全入於臣

惟加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢穀矣獨加賞之田無正耳○正音征少詩照反

馬質掌質馬馬量三物一曰戎馬二曰田馬三曰騶馬皆有物賈

此三馬買以給官府之使無種也鄭司農曰皆有物賈皆有物色及賈直○賈音稼

綱惡馬

鄭司農云綱讀為以亢其讎之亢書亦或為亢亢御也禁也禁去惡馬不畜也玄謂綱以縻索維綱狎習之○去起呂反

凡受馬于有司者書其齒毛與其賈馬死則旬之內更旬之外入

馬耳以其物更其外否

鄭司農云更謂償也玄謂旬之內死者償以齒毛與賈受之日淺養之惡也旬之外灰入馬耳償以毛色不以齒賈任之過其

司農

司馬政官之職

三

卷之三

任也其外否者旬之外踰二十日而灰不任用非用者罪○更音庚

馬及行則以任齊其行。

識其所載輕重及道里齊其勞逸乃復用之。

若有馬訟則聽之。

訟謂賣買之言相負。

禁原蠶者。

原再也天文辰為馬蠶書蠶為龍精月直大火則浴其種是蠶與馬同氣物莫能兩大禁再蠶者為傷馬與○為傷于偽反

量人掌建國之灋以分國為九州營國城郭營后宮量市朝道巷門渠造都邑亦如之。

建立也立國有舊法式若匠人職云分國定天下之國分也后君也言君容王與諸侯○朝直遙反國分扶問反

營軍之壘舍量其市朝州涂軍社之所里。

軍壁曰壘鄭司農云量其市朝州涂還市朝而為道也玄謂州一州之眾二千五百人為師每師一處市也朝也州也皆有道以相之軍社社主在軍者里居也○涂本又作塗

邦國之地與天下之涂數皆書而藏之。

書地謂方園山川之廣狹書涂謂支湊之遠近

凡祭祀饗賓制其從獻脯燔之數量

鄭司農云從獻者肉殺從酒也玄謂燔從于獻酒之肉炙也數多少也量長短也○炙章夜反

掌喪祭奠窆之俎實

司禮

司馬政官之職

日

大夏堂

竈亦有俎實謂所包遺奠士喪禮下篇曰藏苞笱於旁○竈昌絹反笱所交反

凡宰祭與鬱人受單歷而皆飲之

言宰祭者冢宰佐王祭亦容攝祭鄭司農云單讀如嫁娶之嫁單器名明堂位曰爵夏后氏以琖殷以單周以爵玄謂單讀如馘尸之馘案冢宰○單古雅反琖側產反馘古雅反

小子掌祭祀羞羊肆羊殽肉豆

鄭司農云羞進也羊肆體薦全烝也羊殽體解節折也肉豆者切肉也玄謂肆讀為鬻羊鬻者所謂豚解也○鬻他歷反一音餘四反

而掌珥于社稷祈于五祀

故書祀作禩鄭司農云禩讀為祀書亦或為祀珥社稷以牲頭祭也玄謂珥讀為珥祈或為為剗剗珥者蠶禮之事也用毛牲曰

剗羽牲曰珥剗社稷五祀謂始成其宮兆時也春官肆師職祈或作畿秋官士師職曰凡剗珥則奉大牲此剗珥正字與○珥而志反祈音機禩音祀剗音機

凡沈辜侯禳飾其牲

鄭司農云沈謂祭川爾雅曰祭川曰浮沈辜謂磔牲以祭也月令曰凡門磔禳以畢春氣侯禳者候四時惡氣禳去之也○禳如羊反磔陟格反

釁邦器及軍器

邦器謂禮樂之器及祭器之屬雜記曰凡宗廟之器其各者成則釁之以豕豚○豕音家

凡師田斬牲以左右狗陳

示犯誓必殺之

祭祀贊羞受徹焉。

羊人掌羊牲。凡祭祀飾羔。

羔小羊也。詩曰：四之日其蚤，獻羔祭韭。

祭祀割羊牲，登其首。

登升也。升首報陽也。升首于室。

凡祈珥，共其羊牲。

共猶給也。

賓客共其灋羊。

灋羊，發饗積膳之羊。○發饗本又作食饗音食。

凡沈辜，侯禳，釁積，共其羊牲。

積，故書為眡。鄭司農云：眡讀為漬，謂釁國寶，漬軍器也。玄謂積積柴，禋祀。檣燎實柴。○眡徐賜反。與漬同。檣羊久反。

若牧人無牲，則受布于司馬，使其賈買牲而共之。

布泉。○賈音古。

司燿掌行火之政令，四時變國火以救時疾。

行，猶用也。變，猶易也。鄭司農說：以鄴子曰：春取榆柳之火，夏取棗杏之火，季夏取桑柘之火，秋取柞檣之火，冬取槐檀之火。○檣羊久反。

季春出火，民咸從之。季秋內火，民亦如之。

火，所以用陶冶，民隨國而為之。鄭人鑄刑書，火星未出而出火，後有災，鄭司農云：以三月本時昏，心星見于辰上，使民出火。九

同禮

同禮 同馬政官之職

下

火復至

月本黃昏，心星伏在戌上，使民內火，故春秋傳曰：以出內火。○見賢通反。

時則施火令。

焚萊之時。

凡祭祀則祭燿。

報其為明之功，禮如祭燿。

凡國失火，野焚萊，則有刑罰焉。

野焚萊，民擅放火。

掌固掌脩城郭溝池樹渠之固，頒其士庶子及其眾庶之守。

樹謂枳棘之屬，有刺者也。眾庶，民遞守固者也。鄭司農說：樹以國語曰：城守之木，於是乎用之。○枳居氏反。遞待禮反。

設其飾器。

兵甲之屬，今城郭門之器亦然。

分其財用，均其稍食。

財用，國以財所給守吏之用也。稍食，祿廩。

任其萬民，用其材器。

任，謂以其任使之也。民之材器，其所用塹築及為藩落。○塹七豔反。

凡守者受灋焉，以通守政。有移甲與其役財用，唯是得通。與國有司帥之，以贊其不足者。

凡守者，士庶子及他要害之守吏。通守政者，兵甲役財難易多少，轉移相給也。其他非是，不得妄離部署。國有司，掌固也。其移

之者又與掌固帥致之贊佐也○凡守收又反下有守者同易以鼓反離力智反

書三巡之夜亦如之

巡行也行守者為衆庶之解情○行下孟反下皆同為干偽反解佳賈反

夜三鼙以號戒

杜子春云讀鼙為造次之造謂擊鼓行夜戒守也春秋傳所謂賓將趣者與趣與造音相近故曰終夕與燎玄謂鼙擊鼙警守鼓也三巡之間又三擊鼙○鼙音成造七報反趣莊久反與燎音預

若造都邑則治其固與其守灋

都邑亦為城郭

凡國都之竟有溝樹之固郊亦如之

竟界也○竟音境

民皆有職焉

職謂守與任

若有山川則因之

山川若穀臯河漢

司險掌九州之圖以周知其山林川澤之阻而達其道路

周猶徧也達道路者山林之阻則開鑿之川澤之阻則橋梁之

設國之五溝五涂而樹之林以為阻固皆有守禁而達其道路

五溝遂溝洫澮川也五涂徑畛涂道路也樹之林作藩落也○洫況城反澮古外反

司禮

卷三

司馬政官之職

永懷堂

國有故則藩塞阻路而止行者以其屬守之唯有節者達之。

有故喪災及兵也閉絕要害之道備姦寇也。

掌疆

闕

候人各掌其方之道治與其禁令以設候人。

道治治道也國語曰候不在竟譏不居其方也禁令備姦寇也以設候人者選士卒以為之詩云彼候人兮何戈與戩○何胡我反役都外反

若有方治則帥而致于朝及歸送之于竟。

方治其方來治國事者也春秋傳曰晉欒盈過周王使候人出諸輶輶是其送之○朝直遙反輶戶關反

環人掌致師。

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以葢代御執轡御下柄馬掉鞅而還攝叔曰吾聞致師者右入壘折馘執俘而還皆行其所聞而復之○葢側雷反柄音兩馘古獲反俘音孚

察軍慝。

慝陰姦也視軍中有為慝者則執之。

環四方之故。

卻其以事謀來侵伐者所謂折衝禦侮。

巡邦國搏謀賊。

謀賊反間為國賊○間間廁之間

司農

卷三

司馬政官之職

九

永懷堂

周禮
卷三
六
亦懷堂

訟敵國

敵國兵來則往之與訟
曲直若齊國佐如師

揚軍旅

為之威武以觀敵詩云
維師尚父時維鷹揚

降圍邑

圍邑欲降者受而降之春秋傳曰
齊人降鄆○降戶江反鄆音章

挈壺氏掌挈壺以令軍井挈轡以令舍挈畚以令糧

鄭司農云挈壺以令軍井謂為軍穿井井成挈壺縣其上令軍
中士眾皆望見知此下有井壺所以盛飲故以壺表井挈轡以
令舍亦縣轡于所當舍止之處使軍望見知當舍止于此轡所
以駕舍故以轡表舍挈畚以令糧亦縣畚于所當稟假之處令

軍望見知當稟假于此下也畚所以盛糧之器故以畚表稟軍
中人多車騎雜會謹置號令不能相聞故各以其物為表省煩
趨疾于事便也○畚音本為于偽反下為沃同縣
音玄下皆同令力呈反盛音成下同稟彼錦反

凡軍事縣壺以序聚橐凡喪縣壺以代哭者皆以水火守之分以

日夜

鄭司農云縣壺以為漏以序聚橐以次更聚擊橐備守也玄謂
擊橐兩木相敲行夜時也代亦更也禮未大斂代哭以水守壺
者為沃漏也以火守壺者夜則火視刻數也分以日夜者異晝
夜漏也漏之箭晝夜共百刻冬夏之間有長短焉大史立成法
有四十八箭○橐音託更
音庚行下孟反共如字

及冬則以火爨鼎水而沸之而沃之

鄭司農云冬水凍漏不下故以火炊
水沸以沃之謂沃漏也○爨七端反

司農

卷三

司馬政官之職

十

亦懷堂

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

位將射始入見君之位不言士者此與諸侯之賓射士不與也燕禮曰公升卽位于席西鄉小臣納卿大夫卿大夫皆入門右北面東上士位于西方東面北上大射亦云則凡朝燕及射臣見于君之禮同○見賢遍反不與音預鄉許亮反朝燕直遙反

諸侯在朝則皆北面詔相其灋

謂諸侯來朝而未歸王與之射于朝者皆北面從三公位灋其禮儀○相息亮反

若有國事則掌其戒令詔相其事

謂王有祭祀之事諸侯當助其薦獻者也戒令告以齊與期○齊側皆反

掌其治達

謂諸侯因與王射及助祭而有所治受而達之于王王有命又受而下之

以射灋治射儀王以六耦射三侯三獲三容樂以騶虞九節五正諸侯以四耦射二侯二獲二容樂以貍首七節三正孤卿大夫以三耦射一侯一獲一容樂以采蘋五節二正士以三耦射豻侯一獲一容樂以采芣五節一正

射法王射之禮治射儀請肄之也鄭司農云三侯虎熊豹也容者乏也待獲者所蔽也九節析羽九重設于長杠也正所射也詩云終日射侯不出正兮二侯熊豹也豻侯豻者獸名也獸有羆豻熊虎玄謂三侯者五正三正二正之侯也二侯者三正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯卽五正之侯也正之言正也射者內志正則能中焉畫五正之侯中朱次白次蒼次黃玄居外三正損玄黃二正去白蒼而

畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮射作干讀如宜豕宜獄之豕豕胡犬也士與士射則以豕皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則功成而德行立○正音征下及注同豕五旦反劉音鷹重直龍反杠音江羆劬誅反言正音政下志正大射正同能中丁仲反去白起呂反行下孟反

若王大射則狸步張三侯

鄭師農云狸步謂一舉足為一步於今為半步玄謂狸善搏者也行則止而擬度焉其發必獲是以量侯道法之也侯道者各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十于五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀為慘慘雜也雜者豹鵠而麋飾下天子大夫○度待洛反參讀為慘素感反于與豕同五旦反

王射則令去侯立于後以矢行告卒令取矢

鄭司農云射人主令人去侯所而立于後也以矢行告射人主以矢行高下左右告于王也大射禮曰夫射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮經合疑非是也令卒取矢謂射卒射人令當取矢者使取矢也玄謂令去侯者命負侯者去侯也鄉射曰司馬命獲者執旌以負侯

祭侯則為位

祭侯獻服不服不以祭侯為位為服不受獻之位也大射曰服不侯西北三步北面拜受爵

與大史數射中

射中數射者中侯之算也大射曰司射適背西釋弓去扑襲進由中東立于中南北面視算

佐司馬治射正

司禮

司馬政官之職

十一

永懷堂

射正射之法儀也

祭祀則贊射牲相孤卿大夫之灋儀

烝嘗之禮有射豕者國語曰禘郊之事天子必自射其牲今立秋有龜劉云○龜力朱反

會同朝覲作大夫介凡有爵者

作讀如作止爵之作諸侯來至王使公卿有事焉則作大夫使之介也有爵者命士以上不使賤者

大師令有爵者乘王之倅車

倅車戎車之副○倅七內反

有大賓客則作卿大夫從

作者選使從王見諸侯○從才用反

戒大史及大夫介

戒戒其當行者觀禮曰諸公奉篋服加命書于其上升自西階東面大史氏右

大喪與僕人遷尸作卿大夫掌事比其廬不敬者苛罰之

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人扶左君薨以是舉苛謂詰問之○比毗志反苛呼何反朝直遙反

服不氏掌養猛獸而教擾之

猛獸虎豹熊羆之屬擾馴也教習使之馴服王者之教無不服

凡祭祀共猛獸

謂中膳羞者獸人冬獻狼春秋傳曰熊踏不熟○踏音煩

司馬

司馬

司馬政官之職

三

禮記

賓客之事則抗皮

鄭司農云謂賓客來朝聘布皮帛者服不氏主舉藏之抗讀為亢其讎之亢玄謂抗者若聘禮曰有司二人舉皮以東

射則贊張侯以旌居乏而待獲

贊佐也大射禮曰命量人中車張三侯杜子春云待當為持書亦或為持乏讀為匱乏之乏持獲者所蔽玄謂持獲待射者中舉旌以獲○中丁仲反

射鳥氏掌射鳥

鳥謂中膳羞者鳧鴈鴝鴒之屬○射食亦反鳧音扶鴝音保鴒于苗反

祭祀以弓矢毆鳥鳧凡賓客會同軍旅亦如之

鳥鳧善鈔盜便汗人○毆起俱反鈔初教反

射則取矢矢在侯高則以并夾取之

鄭司農云主射則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀為甲故司弓矢職曰大射燕射共弓矢拜夾○著直略反鉞其炎反

羅氏掌羅鳥鳥

鳥謂卑居鵠之屬○卑音匹

蜡則作羅襦

作猶用也鄭司農云蜡謂十二月大祭萬物也郊特牲曰天子大蜡謂歲十二月合聚萬物而索饗之襦細密之羅襦讀為縠有衣縠之縠玄謂蜡建亥之月此時火伏蟄者畢矣射既祭獸可以羅網圍取禽也王制曰射祭獸然後田又曰昆蟲已蟄可以火田今俗放火張羅其遺教○襦注襦同縠女居反

司尊

司馬政官之職

古

水夏堂

中春羅春鳥獻鳩以養國老行羽物。

春鳥鰲而始出者若今南郡黃雀之屬是時鷹化為鳩鳩與春鳥變舊為新宜以養老助生氣行謂賦賜○中音仲

掌畜掌養鳥而阜蕃教擾之。

阜猶盛也蕃蕃息也鳥之可養使盛大蕃息者謂鷺鷥之屬○鷺音木

祭祀共卵鳥。

其卵可薦之鳥

歲時貢鳥物。

鷓鴣之屬以四時來

共膳獻之鳥。


雉及鶉鴛之屬○鶉音純鴛音如

周禮卷三十終

司馬政官之職

左

示懷堂



周禮卷三十一

漢大司農北海鄭玄註

皇明後學東吳金蟠訂

夏官司馬下

司士掌羣臣之版以治其政令。歲登下其損益之數。辨其年歲與其貴賤。周知邦國都家縣鄙之數。卿大夫士庶子之數。

損益謂用功過黜陟者。縣鄙鄉遂之屬。故書版為班。鄭司農云。班書或為版。版名籍。

以詔王治。

告王所當進退。

司士

司馬政官之職

永懷堂

以德詔爵。以功詔祿。以能詔事。以久奠食。

德謂賢者食稍食也。賢者既爵乃祿之能者事成乃食之。王制曰。司馬辨論官材。論進士之賢者以告于王。而定其論。論定然後官之。任官然後爵之位定。然後祿之。○奠音定。乃食音嗣。

惟賜無常。

賜多少由王。不
如祿食有常品。

正朝儀之位。辨其貴賤之等。王南鄉。三公北面東上。孤東面北上。

卿大夫西面北上。王族故士虎士。在路門之右。南面東上。大僕大

右。大僕從者。在路門之左。南面西上。

此王日視朝。事於路門外之位。王族故士。故為士。晚退留宿衛者。未嘗仕。雖同族。不得在王宮。大右。司右也。大僕從者。小臣祭

僕御僕隸僕。○朝直遙反。鄉許亮反。大音泰。下倣此。

司士擯。

詔王出揖公卿。大夫以下朝者。

孤卿特揖。大夫以其等旅揖。士旁三揖。王還揖。門左揖。門右。

特揖。一一揖之旅。眾也。大夫爵同者。眾揖之。公及孤卿大夫。始入門。右皆北面。東上。士揖之。乃就位。羣士及故士。大僕之屬。發在其位。羣士位東面。王西南鄉。而揖之。三揖者。士有上中下。王揖之。皆遂遁。既復位。鄭司農云。卿大夫士。皆君之所揖。禮春秋傳所謂三揖在下。○遁音巡。

大僕前。

前正王視朝之位。

司馬

卷三

司馬政官之職

二

禮記

王入內朝皆退。

王入入路門也。王入路門內朝。朝者皆退。反其官府治處也。王之外朝則朝士掌焉。玉藻曰。朝服以日視朝於內朝。朝辨色始入。君日出而視之。退適路寢聽政。使人視大夫。大夫退。然後適小寢。謂諸侯也。王日視朝。皮弁服。其禮則同。

掌國中之士治。凡其戒令。

國中。城中。

掌擯士者膳其摯。

擯士。告見初為士者於王也。鄭司農云。膳其摯者。王食其所執羔鴈之摯。玄謂膳者。入於王之膳人。○見賢遍反。食音嗣。

凡祭祀。掌士之戒令。詔相其灋事及賜爵。呼昭穆而進之。

賜爵。神惠及下也。此所賜王之子。姓兄弟。祭統曰。凡賜爵。昭為一。穆為一。昭與昭齒。穆與穆齒。凡羣有司皆以齒。此之謂長幼。

有序。○相息亮反。長丁丈反。

帥其屬而割牲。羞俎豆。

割牲制體也。羞。進也。

凡會同。作士從。賓客亦如之。

作士從。謂可使從於王者。○從才用反。

作士適四方。使為介。

士使。謂自以王命使也。介。大夫之介也。春秋傳曰。天王使石尚來歸脤。○脤。上軫反。

大喪。作士掌事。

事。謂奠斂之屬。

周禮

卷三 司馬政官之職

三

禮記

作六軍之士執披。

作謂使之也。披，柩車行，所以披持棺者，有紐以結之，謂之戴。鄭司農云：披者，扶持棺險者也。天子旁十二，諸侯旁八，大夫六，士四。玄謂結披，必當棺束於束繫紐。天子諸侯戴柩三束，大夫士二束。喪大記曰：君纁披六，大夫披四，前纁後玄。士二披，用纁。人君禮文欲其數多，圍數兩旁言六耳。其實旁三。○披方寄反。

凡士之有守者，令哭無去守。

守官不可空也。○守守又反，下皆同。

國有故，則致士而頒其守。

故，非喪則兵災。

凡邦國三歲則稽士任，而進退其爵祿。

任其所掌治。

諸子掌國子之倅，掌其戒令與其教治，辨其等，正其位。

故書倅為卒。鄭司農云：倅，讀如物有副倅之倅。國子，謂諸侯卿大夫士之子也。燕義曰：古者周天子之官有庶子，官與周官諸子職同。文，玄謂四民之業，而士者亦世焉。國子者，是公卿大夫士之副貳戒令，致於天子之事，教治脩德學道也。位，朝位。○倅七內反。大子音泰。

國有大事，則帥國子而致於天子，惟所用之。若有兵甲之事，則授之車甲，合其卒伍，置其有司，以軍法治之。司馬弗正。

軍廩，百人為卒，五人為伍，弗，不也。國子屬太子。司馬雖有軍士，不賦之。○正音征，下國正同。

凡國正弗及。

周禮

卷三 司馬政官之職

四

禮記

大祭祀正六牲之體。

正謂禮載之。

凡樂事正舞位授舞器。

位侑處。

大喪正羣子之服位會同賓客作羣子從。

從于王。

凡國之政事國子存遊倅使之脩德學道春合諸學秋合諸射以攷其藝而進退之。

遊倅倅之未仕者學大學也射射宮也王制曰春秋教以禮樂冬夏教以詩書王太子王子羣后之太子卿大夫元士之適子

國之俊選皆造焉。○適丁歷反。

司右掌羣右之政令。

羣右戎右齊右道右。○齊側皆反。

凡軍旅會同合其車之卒伍而比其乘屬其右。

合比屬謂次第相安習也車亦有卒伍。○比毗志反乘繩證反屬音屬。

凡國之勇力之士能用五兵者屬焉掌其政令。

勇力之士屬焉者選右當於中司馬灋曰弓矢圍戈矛守戈戟助凡五兵長以衛短短以救長。○戈音殊。

虎賁氏掌先後王而趨以卒伍。

王出將虎賁士居前後雖羣行亦有局分。○賁音奔先悉薦反後戶豆反將子匠反分扶問反。

司馬政官之職

五

永懷堂

軍旅會同亦如之。舍則守王闕。

舍王出所止宿處闕柱極。○柱薄禮反。柱戶故反。

王在國則守王宮。

為周衛。

國有大故則守王門。大喪亦如之。

非常之難要在門。○難乃且反。

及葬從遣車而哭。

遣車王之魂魄所馮依。○從才用反。馮支米反。

適四方使則從士大夫。

虎士從使者。

若道路不通有徵事則奉書以使于四方。

不通逢兵寇若泥水奉書徵師役也。春秋隱公七年冬戎伐凡伯于楚丘以歸。

旅賁氏掌執戈盾夾王車而趨。左八人右八人。車止則持輪。

夾王車者其下士也。下士十有六人。中士為之帥焉。○盾常準反。

凡祭祀會同賓客則服而趨。

服而趨夾王車趨也。會同賓客王亦齊服。服袞冕則此士之齊服。服玄端。

喪紀則衰葛執戈盾。

葛葛經。武士尚輕。○衰七雷反。

軍旅則介而趨

介被

節服氏掌祭祀朝覲袞冕六人維王之太常

服袞冕者從王服也維維之以縷王旌十二旒兩兩以縷綴連旁三人持之禮天子旌曳地鄭司農云維持之

諸侯則四人其服亦如之郊祀裘冕二人執戈送逆尸從車

裘冕者亦從尸服也裘大裘也凡尸服卒者之上服從車從尸車送逆之往來春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈揚盾帥百隸而時難

以索室毆疫

蒙冑也冑熊皮者以驚毆疫癘之鬼如今魃頭也時難四時作方相氏以韠卻凶惡也月令季冬命國難索瘦也○難乃多反

註同毆起俱反魃音欺

大喪先匱

葬使之道○先匱悉薦反下音極道音導

及墓入壙以戈擊四隅毆方良

壙穿地中也方良罔兩也天子之椁柏黃腸為裏而表以石焉國語曰木石之怪夔罔兩○壙苦冕反方良上音罔下音兩註

同夔求龜反

大僕掌正王之服位出入王之大命

服王舉動所當衣也位立處也出大命王之敎也入大命羣臣所奏行

掌諸侯之復逆

司馬政官之職

鄭司農云復謂奏事也逆謂受下奏

王眡朝則前正位而退入亦如之。

前正位而退道王王既立退居路門左待朝畢

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂窮達者謂司寇之屬朝士掌以肺石達窮民聽其辭以告于王遽令郵驛上下程品御僕御庶子直事鼓所者大僕聞鼓聲則速逆此二官當受其事以聞○傳張戀反令力呈反

郵音尤

祭祀賓客喪紀正王之服位詔灋儀贊王牲事。

詔告也牲事殺割七載之屬

王出入則自左馭而前驅。

前驅如今道引也道而居左自馭不膠乘辟王也亦有車右焉○乘繩證反辟音避

凡軍旅田役贊王鼓。

王通鼓佐擊其餘面

救日月亦如之。

日月食時春秋傳曰非日月之告不鼓

司馬

卷三 司馬政官之職

八

禮記

大喪始崩。戒鼓傳達于四方。窆亦如之。

戒鼓擊鼓以警衆也。故書戒爲駭。鄭司農云。窆謂葬下棺也。春秋傳所謂日中而崩。禮記謂之封。皆葬下棺也。音相似。窆讀如慶。封汜祭之汜。○窆彼驗反。註之封音同。劉皆逋。鄧反。崩補。鄧反。汜芳劍反。

縣喪首服之灋于宮門。

首服之灋。謂免髮笄總。廣狹長短之數。縣其書于宮門。示四方。○縣音玄。免音問。鬢莊瓜反。

掌三公孤卿之弔勞。

王使往。○勞力報反。

王燕飲則相其灋。

相左右。○相息亮反。

王射則贊弓矢。

贊謂授之受之。

王眡燕朝則正位。掌擯相。

燕朝朝于路寢之庭。王圖宗人之嘉事則燕朝。

王不眡朝則辭于三公及孤卿。

辭謂以王不視朝之意告之。春秋傳曰。公有疾不視朝。

小臣掌王之小命。詔相王之小灋儀。

小命時事所勅問也。小灋儀趨行拱揖之容。

掌三公及孤卿之復逆。正王之燕服位。

司馬政官之職

謂燕居時也。玉藻曰：王卒食，玄端而居。

王之燕出入則前驅。

燕出入若今游于諸觀苑。○觀古喚反。

大祭祀朝覲沃盥王盥。

小祭祀賓客饗食賓射。掌事如大僕之灋。

賓射與諸侯來朝者射。○盥音管。

掌士大夫之弔勞。

凡大事佐大僕。

祭僕掌受命于王以眡祭祀而警戒祭祀有司糾百官之戒具。

謂王有故不親祭也。祭祀有司有事於祭祀者糾謂校錄所當共之牲物。

既祭帥羣有司而反命以王命勞之。誅其不敬者。大喪復于小廟。

小廟高祖以下也。始祖曰太廟。春秋僖八年秋七月禘於太廟。

凡祭祀王之所不與則賜之禽。都家亦如之。

鄭司農云：王之所不與謂非郊廟尊祭祀則王不與也。則賜之禽。公卿自祭其先祖則賜之禽也。玄謂王所不與同姓有先王之廟。○與音預。註同。

凡祭祀致福者展而受之。

臣有祭事必致祭肉於君所謂歸胙也。展謂錄視其牲體數體數者太牢則以牛左肩臂臠折九个。少牢則以羊左肩七个。特牲則以豕左肩五个。○昨存故反。臠奴報反。折之舌反。个古賀反。

御僕掌羣吏之逆及庶民之復與其弔勞。

羣吏府史以下

大祭祀相盥而登。

相盥者謂奉饗授中與登謂為王登牲體於俎特牲饋食禮主人降盥出舉人乃七載○奉芳勇反為于偽反

大喪特襲。

襲棺飾也特之者夾屨車○襲所甲反

掌王之燕令。

燕居時之令

以序守路鼓。

居禮

卷三

禮記

序更○更首庚

隸僕掌五寢之埽除糞洒之事。

五寢五廟之寢也周天子七廟惟祧無寢詩云寢廟釋釋相連貌也前曰廟後曰寢汜埽曰埽埽席前曰拊洒灑也鄭司農云洒當為灑玄謂論語日子夏之門人當洒埽應對○埽素報反糞方問反洒所賣反祧勅彫反拊方問反灑所買反

祭祀脩寢。

於廟祭寢或有事焉月令凡新物先薦寢廟

王行洗乘石。

鄭司農云乘石王所登上車之石也詩云有扁斯石履之卑今謂上車所登之石○乘如字上時掌反下同扁邊典反

掌蹕宮中之事。

司禮

司馬政官之職

上

禮記

宮中在事則蹕鄭司農云蹕謂止行者清道若今時做蹕

大喪復於小寢大寢

小寢高祖以下廟之寢也始祖曰大寢

周禮卷三十一 終

周禮卷三十二

漢大司農北海鄭 玄註

皇明 後學東吳葛 龜訂

司馬政官之職

弁師掌王之五冕皆玄冕朱裏延紐。

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上笄所貫也今時冠卷當簪者廣表以冠繼其舊象與○數所主反卷起全反表音茂繼所買反

五采纁十有二就皆五采玉十有二玉笄朱紘。

纁雜文之名也合五采絲為之繩垂於延之前后各十二所謂遂延也就成也繩之每一而貫五采玉十二旒則十二玉也

司馬

卷三十一

司馬政官之職

二

永懷堂

每就開蓋一寸朱絃以朱組為絃也絃一條屬兩端於武纜不言皆有不皆者此為衰衣之冕十二旒則用玉二百八十八鶩衣之冕纜九旒用玉二百一十六彘衣之冕七旒用玉百六十八希衣之冕五旒用玉百二十玄衣之冕三旒用玉七十二○纜音早遂息遂反旒音留下同屬音燭鶩必滅反希張里反

諸侯之纜旒九就瑁玉三采其餘如王之事纜旒皆就玉瑁玉笄

侯當為公字之誤也三采朱白蒼也其餘謂延組皆玄覆朱裏與王同也出此則異纜旒皆就皆三采也每纜九成則九旒也公之冕用玉百六十二玉瑁塞耳者故書瑁作玩鄭司農云纜當為藻纜古字也藻今字也同物同音玩惡玉名○侯依注音公瑁本又作瑁亡貧反瑁吐練反

王之皮弁會五采玉璽象邸玉笄

故書會作體鄭司農云讀如馬會之會謂以五采束髮也士喪禮曰檜用組乃笄檜讀與體同書之異耳說日以組束髮乃著

笄謂之檜沛國人謂反紒為檜璽讀如棊車轂之棊玄謂會讀如大會之會會縫中也璽讀如薄借棊之棊棊結也皮弁之縫中每貫結五采玉十二以為飾謂之棊詩云會弁如星又曰其弁伊棊是也邸下抵也以象骨為之○會劉古外反注同并膾檜二字亦同璽亦其著張略反紒音計抵丁禮反劉音帝

王之弁經弁而加環經

弁經王弼所服也其弁如爵弁而素所謂素冠也而加環經環經者大如總之麻經纏而不糾司服職曰凡吊事弁經服

諸侯及孤卿大夫之冕韋弁皮弁弁經各以其等為之而掌其禁令

各以其等纜旒玉璽如其命數也冕則侯伯纜七就用玉九十八子男纜五就用玉五七纜玉皆三采孤纜四就用玉三十二三命之卿纜三就用玉十八再命之大夫藻再就用玉八藻玉皆朱綠韋弁皮弁則侯伯璽飾七子男璽飾五玉亦三采孤則

璽飾四三命之卿璽飾三再命之大夫璽飾二玉亦二采弁經之弁其辟積如冕纁之就然庶人弔者素委貌一命之大夫冕而無旒十變冕為爵弁其韋弁皮弁之會無結飾弁經之弁不辟積禁今者不得相僭踰也玉藻曰君未有命不敢即乘服不言冠弁冠弁兼於韋弁皮弁矣不言服弁服弁自天子以下無飾無等○辟積必亦反

司甲

司甲 闕
司兵掌五兵五盾各辨其物與其等以待軍事

五盾干櫓之屬其名未盡聞也等謂功活上下鄭司農云五兵者戈矢戟酋矛夷矛○櫓音魯

及授兵從司馬之灋以頒之及其受兵輸亦如之及其用兵亦如之

從司馬之法令師旅卒兩人數所用多少也兵輸謂師還有司還兵也用兵謂出給備守○卒子忘反

祭祀授舞者兵

授以朱干玉戚之屬

大喪獻五兵

故書獻為涇鄭司農云涇陳也涇謂為獻玄謂獻與也與作明器之役器五兵也士喪禮下篇有甲冑干箠○獻虛金反與虛應反下同箠字又作箠側白反

軍事建車之五兵會同亦如之

車之五兵鄭司農所云者是也步卒之五兵則無夷矛而有弓矢

司戈盾掌戈盾之物而頒之

分與授用

司馬

司馬政官之職

祭祀授旅賁。故士戈盾。授舞者兵亦如之。

亦頒之也。故士王族故士也。與旅賁當事則衛王也。受如杖長彘有四尺。

軍旅會同。授貳車戈盾。建乘車之戈盾。授旅賁及虎士戈盾。

乘車王所乘車也。軍旅則革路會同則金路。○乘繩證反。後乘馬陪乘參乘皆準此注。依字。

及舍。設藩盾。行則欽之。

舍止也。藩盾盾可以衛者。如今之挾蘇與。

司弓矢。掌六弓四弩八矢之灋。辨其名物。而掌其守藏。與其出入。

法曲直長短之數。

中春獻弓弩。中秋獻矢箠。

及其頒之。王弓弧弓。以授射甲革楛質者。夾弓廋弓。以授射豸侯鳥獸者。唐弓大弓。以授學射者。使者勞者。

弓弩成於和。矢箠成於堅。箠盛矢器也。以獸皮為之。○中音仲。箠音服。盛音成。

王弧夾庾。唐大六者。弓異體之名也。往體寡來體多。曰王弧。往體多來體寡。曰夾庾。往體來體若一。曰唐大。甲革革甲也。春秋傳曰。蹲甲而射之。質正也。樹楛以為射正。射甲與楛。試弓習武也。豸侯五十步。及射鳥獸皆近射也。近射用弱弓。則射大侯者用王弧。射參侯者用唐大矣。學射者弓用中。後習強弱則易也。使者勞者弓亦用中。遠近可也。勞者勤勞王事。若晉文侯文公受王弓矢之賜者。故書楛為艱。鄭司農云。楛字或作艱。非是也。國師職曰。射則充楛質。又此司弓矢職曰。澤共射楛質之弓矢。言射楛質自有弓。謂王弧弓也。以此觀之。言艱質者非。○射甲食亦反。下以意求之。楛張林反。豸音岸。使者所吏反。注同。蹲音存。易以鼓反。

其矢箠皆從其弓。

從弓數也。每弓者一箠百矢。

凡弩夾庾利攻守。唐大利車戰野戰。

攻城壘者與其自守者相迫近。弱弩發疾也。車戰野戰進退非強則不及。弩無王珣。王珣恒服弦。往體少者使矢不疾。

凡矢在矢黎矢利火射。用諸守城車戰。殺矢鏃矢。用諸近射田獵。

矰矢第矢。用諸弋射。恒矢痺矢。用諸散射。

此八矢者。弓弩各有四焉。在矢殺矢。矰矢。恒矢。弓所用也。黎矢。鏃矢。第矢。痺矢。弩所用也。在矢者。取名變星。飛行有光。今之飛矛是也。或謂之兵矢。黎矢。象焉。二者皆可結火以射敵守城車戰。前於重後最輕。行疾也。殺矢。言中則死。鏃矢。象焉。鏃之言候也。二者皆可以司候射敵之近者及禽獸。前尤重中淡而不可遠也。矰。繳於矢謂之矰。矰高也。第矢。象焉。第之言刺也。二者皆

可以弋飛鳥。刺羅之也。前於重。又微輕。行不低也。詩云。弋鳧與鴈。恒矢。安居之矢也。痺。象焉。二者皆可以散射也。謂禮射及習射也。前後訂其行平也。凡矢之制。在矢之屬。五分。二在前。三在後。殺矢之屬。參分。一在前。二在後。矰矢之屬。七分。三在前。四在後。恒矢之屬。軒輶中。所謂志也。鄭司農云。痺。讀為人。罷。短之罷。玄。謂痺。讀如痺。病之痺。痺之言倫比。○鏃。音候。矰。音增。第。扶弗反。中。丁仲反。下。中淡。射中同。繳。章藥反。刺。孚物反。輶。定周反。痺。方二反。比。毗志反。

天子之弓。合九而成規。諸侯。合七而成規。大夫。合五而成規。士。合

三而成規。句者謂之弊弓。

體往來之衰也。往體寡。來體多。則合多。往體多。來體寡。則合少。而圖弊猶惡也。句者惡。則直者善矣。○弊。婢世反。衰。初危反。

凡祭祀共射牲之弓矢。

射牲。示親殺也。殺牲非尊者所親。惟射為可。國語曰。禘郊之事。天子必自射其牲。

澤共射。楛質之弓矢。

鄭司農云：澤，澤宮也。所以習射選士之處也。射義曰：天子將祭，必先習射於澤。澤者，所以擇士也。已射於澤，而后射於射宮。射中者，得與於祭。與音預。

大射燕射。兵弓矢如數并夾。

如數，如常射者之數也。每人一弓乘矢并夾。矢，箭也。乘繩證反。箭，劉奴輒反。又女十反。

大喪共明弓矢。

弓矢，明器之用器也。士喪禮下篇曰：用器弓矢。

凡師役會同，頒弓弩各以其物。從授兵至之儀。

物，弓弩矢箠之屬。從，才用反。

田弋充籠箠矢共矰矢。

籠，竹箠也。矰，矢不在箠者為其相繞相將用乃共之。為于偽反。

凡亡矢者弗用則更。

更，償也。用而棄之，則不償。

繕人掌王之用弓弩矢箠矰弋挾拾。

鄭司農云：挾者，所以縱弦也。拾者，所以引弦也。詩云：挾拾既次。詩家說或謂挾謂引弦，彊也。拾謂鞬扞也。玄謂挾挾矢時所以持弦飾也。著右手巨指十喪禮曰：挾用正王棘若釋棘則天子用象骨與鞬扞著左臂裏以韋為之。彊若侯反。鞬古侯反。扞，胡旦反。著，丁略反。

掌詔王射。

周禮

卷三 司馬政官之職

六

承慶堂

告王當射之節

贊王弓矢之事。

授之受之

凡乘車充其籠箠載其弓弩。

充籠箠以盛矢

既射則斂之。

斂藏之也詩云彤弓彤令受言藏之○昭昌逢反

無會計。

亡敗多少不計○會古外反下大會同後放此

豪人掌受財于職金以齎其工。

齎其工者給市財用之直○齎音咨後皆同

弓六物為三等弩四物亦如之。

三等者上中下人各有所宜弓人職曰弓長六尺六寸謂之上制上土服之弓長六尺三寸謂之中制中土服之弓長六尺謂之下制下土服之弩及矢箠長短之制未聞

矢八物皆三等箠亦如之春獻素秋獻成。

矢箠春作秋成

書其等以饗工。

鄭司農云書工攻拙高下之等以制其饗食也玄謂饗酒肴勞之也上工作上等其饗厚下工作下等其饗薄○勞洛報反

司豐

司馬政官之職

禮記

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。玄謂考之而善。則上其食。尤善。又賞之。否者反此。○下上。時掌反。注同。

乃入功于司弓矢及繕人。

成功。

凡齋財與其出入皆在橐人。以待會而攷之。亡者闕之。

皆在橐人者。所齋工之財。及弓弩矢箠出人其簿書。橐人藏之。闕。猶除也。弓弩矢箠棄亡者除之。計今見在者。○見賢。遍反。

戎右掌戎車之兵革使。

使謂王使以兵有所誅斬也。春秋傳曰。戰於穀。晉梁弘御戎。萊駒為右。戰之明日。襄公縛秦囚。使萊駒以戎斬之。○使色。吏反。注使。謂同。

詔贊王鼓。

既告王當鼓之節。又助擊之。

傳王命于陳中。

為王大言之也。○陳。直慎反。為于偽反。

會同充革車。

會同。王雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將歃血者。先執其器為衆陳。其載辭。使心皆開辟也。役之者。傳敦血授當歃者。○敦音對。

贊牛耳。桃茆。

司豐

司馬政官之職

八

永懷堂

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。玄謂考之而善。則上其食。尤善。又賞之。否者反此。○下上。時掌反。注同。

乃入功于司弓矢及繕人。

成功。

凡齋財與其出入皆在橐人。以待會而攷之。亡者闕之。

皆在橐人者。所齋工之財。及弓弩矢箠。出人其簿書。橐人藏之。闕。猶除也。弓弩矢箠棄亡者除之。計今見在者。○見賢。遍反。

戎右掌戎車之兵革使。

使謂王使以兵有所誅斬也。春秋傳曰。戰於穀。晉梁弘御戎。萊駒為右。戰之明日。襄公縛秦囚。使萊駒以戎斬之。○使色。吏反。注使謂同。

詔贊王鼓。

既告王當鼓之節。又助擊之。

傳王命于陳中。

為王大言之也。○陳直慎反。為于偽反。

會同充革車。

會同。王雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將歃血者。先執其器為衆陳。其載辭。使心皆開辟也。役之者。傳敦血授當歃者。○敦音對。

贊牛耳。桃茢。

司豐

司馬政官之職

八

永懷堂

鄭司農云贊牛耳春秋傳所謂執牛耳者故書芻為滅杜子春云滅當為厲玄謂尸盟者割牛耳取血助為之及血在敦中以桃芻沸之又助之也耳者盛以珠盤尸盟者執之桃鬼所畏也芻音芻所以掃不祥○芻音列盛音成芻音條芻之受反

齊右掌祭祀會同賓客前齊車王乘則持馬行則陪乘

齊車金路王自整齊之車也前之者已駕王未乘之時陪乘參乘謂居右也齊右與齊僕同車而有祭祀之事則兼玉路之右然則戎右兼田右與○齊側皆反下齊車齊僕皆同

凡有牲事則前馬

王見牲則拱而式居馬前卻行備驚奔也曲禮曰國君下宗廟式齊牛

道右掌前道車王出入則持馬陪乘如齊車之儀

道車象路也王行道德之車

自車上諭命于從車

自由○從才用反

詔王之車儀

顧式之屬

王式則下前馬王下則以蓋從

以蓋從表尊

大馭掌馭王路以祀及犯軼王自左馭馭下祀登受轡犯軼遂驅之

行山曰軼犯之者封土為山象以菩芻棘栢為神主既祭之以車轢之而去喻無險難也春秋傳曰跋涉山川自由也王由左

司豐

卷三

司馬政官之職

九

永懷堂

馭禁制馬使不行也故書馭作罰杜子春云罰當為馭馭讀為別異之別謂祖道輶輶大也詩云載謀載惟取蕭祭脂取瓶以馭詩家說曰將出祖道犯輶之祭也聘禮曰乃舍輶飲酒于其側禮家說亦謂道祭○輶蒲未反注跋涉同菩音倍輶音歷難乃旦反別彼列反磔陟格反瓶丁兮反舍音釋

及祭酌僕左執轡右祭兩軹祭軌乃飲

故書軹為斬軹為範杜子春云文當如此左不當重亦非是書亦或如子春言又云斬當作軹軹謂兩軹也其或言輶亦非是又云輶當為範範謂車前軹也或讀軹為替笄之笄○軹音止軌音犯注軌同斬劉音雞重直龍反轡音衛軌當媿美反又音犯

凡馭路行以肆夏趨以采薺

凡馭路謂五路也肆夏采薺樂章也行謂大寢至路門趨謂路門至應門○薺才私反

凡馭路儀以鸞和為節

舒疾之法也鸞在衡和在軹皆以金為鈴

戎僕掌馭戎車

戎車革路也帥出王乘以自將○將子匠反

掌王倅車之政正其服

倅副也服謂衆乘戎車者之衣服○倅七內反

犯輶如玉路之儀凡巡守及兵車之會亦如之

如在

掌凡戎車之儀

司禮

卷三 司馬政官之職

十

承慶堂

凡戎車衆之兵車也書序曰武王戎車三百兩

齊僕掌馭金路以賓

以待賓客

朝覲宗遇饗食皆乘金路其灋儀各以其等為車送逆之節

節謂王乘車迎賓客及送相去遠近之數上公九十步侯伯七十步子男五十步司儀職曰車逆拜辱又曰及出車送

道僕掌馭象路以朝夕燕出入其灋儀如齊車

朝夕朝朝莫夕○朝夕直逢反朝朝上如字莫夕音暮

掌貳車之政令

貳亦副

田僕掌馭田路以田以鄙

田路水路也田田獵也鄙循行縣鄙○行下孟反

掌佐車之政

佐亦副

設驅逆之車

驅驅禽使前趨獲逆御還之使不出圍○簡本又作御同五嫁反

令獲者植旌

以告獲也植樹也

及獻比禽

田弊，獲者各獻其禽，比種物相從，次數之。○此毗志反。

凡田王提馬而走，諸侯晉，大夫馳。

提，猶舉也。晉，猶抑也。使人叩而舉之，抑之，皆上奔也。馳，放不扣。

馭夫掌馭貳車，從車使車。

貳車，象路之副也。從車，戎路田路之副也。使車，驅逆之車。

分公馬而駕治之。

乘調六種之馬。

周禮三十二終

周禮卷三十三

漢大司農北海鄭玄註

皇明後學東吳金蟠訂

司馬政官之職

我人掌王馬之政。

政，謂差擇養乘之數也。月令曰：班馬政。

辨六馬之屬：種馬一物，戎馬一物，齊馬一物，道馬一物，田馬一物，駕馬一物。

種，謂上善似母者，以次差之。玉路駕種馬，戎路駕戎馬，金路駕齊馬，象路駕道馬，田路駕田馬，駕馬給官中之役。

凡頒良馬而養乘之。乘馬一師四圉。三乘為阜。阜一趣馬。三阜為繫。繫一馭夫。六繫為廩。廩一僕夫。六廩成技。技有左右。駑馬三良馬之數。麗馬一圉。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹為乘。養馬為圉。故春秋傳曰。馬有圉。牛有牧。玄謂二耦為乘。師趣馬馭夫僕夫。師之名也。趣馬下士。馭夫中士。則僕夫上士也。自乘至廩。其數三百一十六匹。易乾為馬。此應乾之策也。至技變為言成者。明六馬為一廩。而王馬小備也。技有左右。則良馬一種者。四百三十二匹。五種合二千一百六十四。駑馬三之。則為千二百九十六。良一駑。凡三千四百五十六。然後王馬大備。詩云。駑牝三千。此謂王馬之大數與。麗耦也。駑馬自圉至馭夫。凡馬千二十四匹。與三良馬之數不相應。八皆宜為六。字之誤也。師十二匹。趣馬七十二匹。則馭夫四百三十二匹矣。然後而三之。既三之。無僕夫者。不駕於五路。卑之也。○乘繩證反。注同。阜才早反。趣倉走反。繫音計。廩九又反。

天子十有二閑。馬六種。邦國六閑。馬四種。家四閑。馬二種。

絳殺之差。每廩為一閑。諸侯有齊馬道馬田馬。大夫有田馬。各一閑。其駑馬則皆分為三焉。○殺所界反。

凡馬特居四之一。

欲其乘之性相似也。物同氣則心一。鄭司農云。四之一者。三牝一牡。

春祭馬祖。執駒。

馬祖。天駟也。孝經說曰。房為龍馬。鄭司農云。執駒無令近母。猶攻駒也。二歲曰駒。三歲曰駟。玄謂執猶拘也。春通淫之時。駒弱血氣未定。為其乘匹傷之。○令力呈反。下令皆同。駟音肇。為于僞反。

夏祭先牧。頒馬攻特。

先牧。始養馬者。其人未聞。夏通淫之後。攻其特。為其蹄齧。不可乘用。鄭司農云。攻特。謂驟之。○驟音繩。

秋祭馬社。臧僕。

馬社始乘馬者世本作曰相土作乘馬鄭司農云臧僕謂簡練馭者令皆善也玄謂僕馭五路之僕○相息亮反

冬祭馬步。獻馬。講馭夫。

馬步神為災害馬者獻馬見成馬於王也馭夫馭貳車從車使車者講猶簡習○見賢遍反從才用反

凡大祭祀朝覲會同。毛馬而頒之。

毛馬齊其色也頒授當乘之

飾幣馬。執扑而從之。

鄭司農云披入主飾之也幣馬以馬遣人當幣處者也聘禮曰馬則北面奠幣于其前士喪禮下篇曰薦馬纓三就入門北面交轡圜人夾牽之馭者執策立于馬後○遺惟季反

凡軍事。物馬而頒之。

物馬齊其力

等馭夫之祿。

馭夫於趣馬僕夫為中舉中見上下

宮中之稍食。

師圍府史以下也鄭司農云稍食曰廩

趣馬掌贊正良馬而齊其飲食。簡其六節。

贊佐也佐正者謂校人臧僕講馭夫之時簡差也節猶量也差擇王馬以為六等

掌駕說之頒。

同禮

司馬政官之職

三

示懷堂

用馬之第次
○說始銳反

辨四時之居治以聽馭夫

居謂牧房所處治為執
駒攻特之屬○房音雅

巫馬掌養疾馬而乘治之相醫而藥攻馬疾受財于投人

乘謂驅步以發其疾知所疾處
乃治之相助也○相息亮反

馬歿則使其賈粥之入其布于投人

布泉也鄭司農云賈謂其屬官
小吏賈一人粥賣也○粥音育

牧師掌牧地皆有厲禁而頒之

頒馬投圍
者所牧處

孟春焚牧

焚牧地以除
陳生新草也

中春通淫

中春陰陽交萬物生之時可以合馬之牝牡也月令季春乃合
累牛騰馬遊牝于牧秦時書也秦地寒涼萬物後動○中音仲
累力
追反

掌其政令凡田事贊焚萊

焚萊者山
澤之虞

廋人掌十有二閑之政教以阜馬佚特教駢攻駒及祭馬祖祭閑
之先牧及執駒散馬耳圍馬

司馬

司馬政官之職

四

司馬

九者皆有政教焉。阜盛壯也。詩云：四牡孔阜。杜子春云：伏當為逸。鄭司農云：馬三歲曰駝，二歲曰駒。散讀為中散大夫之散。謂駝始乘習之也。攻駒制其蹄齧者，閉之不使甚勞，安其血氣也。散耳以竹括押其耳，頭動搖則括中物，後遂申習，不復驚。○語古活反，母音無，令力呈反，中物丁仲反，復扶又反。

正按人員選

按人謂師圍也。正員選者，選擇可備員者平之。

馬八尺以上為龍，七尺以上為駮，六尺以上為馬。

大小異名。爾雅曰：駮，牡驪，牝玄駒。裴駮，鄭司農云：以月令曰：駕蒼龍。○裴奴了反。

圉師掌教圉人養馬。春除蓐，爨廩始牧。夏序馬，冬獻馬。射則克楛，質茨耜則翦鬮。

蓐，馬茲也。馬既出而除之，新爨焉。神之也。春秋傳曰：凡馬日中而出，日中而入。故字序為訝。鄭司農云：當為序，玄謂序廡也。廡所以庇馬涼也。充猶居也。茨，蓋也。鬮，苦也。楛，質翦鬮，圉人所習也。杜子春讀楛為齊人言鈇楛之楛。楛質所射者，習射處。○蓐音辱，茨在私反，廡七甫反，射食亦反。

圉人掌養馬芻牧之事，以役圉師。

役者圉師使令焉。

凡賓客喪紀，牽馬而入陳。

賓客之馬，王所以賜之者。詩云：雖無予之路車，乘馬喪紀之馬。啓後所薦馬。

廡馬亦如之。

廡馬，遣車之馬。人捧之，亦牽而入陳。○捧扶恭反。

周禮

卷三 司馬政官之職

五

永懷堂

職方氏掌天下之圖以掌天下之地辨其邦國都鄙四夷八蠻七
閩九貉五戎六狄之人民與其財用九穀六畜之數要周知其利
害

天下之圖如今司空輿地圖也鄭司農云東方曰夷南方曰蠻
西方曰戎北方曰貉狄玄謂閩蠻之別也國語曰閩芋蠻矣四
八七九五六周之所服國數也財用泉穀貨賄也利金錫竹箭
之屬害神姦鑄鼎所象百物也爾雅曰九夷八蠻六戎五狄謂
之四海○閩亡巾反貉孟
白反畜許六反劉音如

乃辨九州之國使同貫利

賈事也

東南曰揚州其山鎮曰會稽其澤藪曰具區其川三江其浸五湖

其利金錫竹箭其民二男五女其畜宜鳥獸其穀宜稻

鎮名山安地德者也會稽在山陰犬澤曰藪具區五湖在吳南
浸可以為陂灌漑者錫鑛也箭篠也鳥獸孔雀鸞鷓鴣犀象之
屬故書箭為晉杜子春云晉當為箭書亦或為箭○陂
彼宜反漑古愛反鑛音臘篠素了反鷓音交鵲音稽

正南曰荊州其山鎮曰衡山其澤藪曰雲夢其川江漢其浸潁湛

其利丹銀齒革其民一男二女其畜宜鳥獸其穀宜稻

衡山在湘南雲夢在華容類出陽城宜屬豫州在此非也湛未
聞齒象齒也革犀兕革也杜子春云湛讀當為人名湛之湛湛
或為淮○
曹亡貢反

河南曰豫州其山鎮曰華山其澤藪曰圃田其川滎雒其浸波澆

其利漆絲枲其民二男三女其畜宜六擾其穀宜五種

周禮

武官司馬政官之職

六

永懷堂

華山在華陰。圃田在中牟。榮，兗水也。出東垣，入于河，泆為榮。榮在滎陽，波讀為播。禹貢曰：滎播既都。春秋傳曰：楚子除道梁，差營軍臨隨，則差宜屬荊州。在此非也。林竹木也。六擾，馬牛羊豕犬雞五種。黍稷菽麥稻。○差音詐，都本或作豬。

正東曰青州。其山鎮曰沂山。其澤藪曰望諸。其川淮泗。其浸沂沐。

其利蒲魚。其民二男二女。其畜宜雞狗。其穀宜稻麥。

沂山，沂水所出也。在蓋，望諸，明都也。在睢陽。沐，出東莞。二男二女，數等似誤也。蓋當與兗州同。二男三女，鄭司農云：淮或為睢。沐或為洙。○沐音述。

河東曰兗州。其山鎮曰岱山。其澤藪曰大野。其川河泆。其浸盧維。

其利蒲魚。其民二男三女。其畜宜六擾。其穀宜四種。

岱山在博。大野在鉅野。盧維當為雷雍字之誤也。禹貢曰：雷夏既澤。雍，沮會同。雷夏在城陽。四種，黍稷稻麥。○泆，子禮反。

正西曰雍州。其山鎮曰嶽山。其澤藪曰弦蒲。其川涇汭。其浸涇洛。其利玉石。其民三男二女。其畜宜牛馬。其穀宜黍稷。

嶽，吳嶽也。及弦蒲在涇。涇出涇陽，汭在幽地。詩大雅公劉曰：汭之卽洛。洛出懷德。鄭司農云：弦或為汧。蒲或為浦。○雍於用反。汭如銳反。汧口千反。坵弓六反。詩作鞠。

東北曰幽州。其山鎮曰醫無閭。其澤藪曰獫狁。其川河泆。其浸菑。時其利魚鹽。其民一男三女。其畜宜四擾。其穀宜三種。

醫無閭在遼東。獫狁在長廣。菑出萊蕪。時出般陽。四擾，馬牛羊豕三種。黍稷稻。杜子春讀獫為奚。○獫音兮。般，步于反。

河內曰冀州。其山鎮曰霍山。其澤藪曰楊紆。其川漳。其浸汾潞。其利松柏。其民五男三女。其畜宜牛羊。其穀宜黍稷。

霍山在武陽紆所在未聞漳出長子汾出汾陽路出歸德○汾扶文反長子下文反

正北曰并州其山鎮曰恒山其澤藪曰昭餘祁其川虜池嘔夷其浸淶易其利布帛其民二男三女其畜宜五擾其穀宜五種

恒山在上曲陽昭餘祁在鄆虜池出鹵城嘔夷與出平舒漆出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以其非一曰其大者耳此州界揚荆豫兗雍冀與禹貢略同青州則徐州地也幽并則青冀之北也無徐梁○虜喚胡反池徙多反區烏侯反

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外

方五百里曰夷服又其外方五百里曰鎮服又其外方五百里曰藩服

服服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

以此率徧知四海九州邦國多少之數也方千里者為方百里者百以方三百里之積以九約之得十一有奇云七百者字之誤也周九州之界方七千里七七四十九方千里者四十九其一為畿內餘四十八八州各有方千里者六周公變殷湯之制雖小國地皆方百里是每事言則者設法也設法者以待有功而大其封一州之中以其千里封公則可四又以其千里封侯則可六又以其千里封伯則可十一又以其千里封子則可二十五又以其千里封男則可百公侯伯子男亦不是過也州二

百一十國以男備其數焉其餘以為附庸四海之國黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里○率音律奇紀宜反見賢

凡邦國小大相維。

大國比小國小國事大國各有屬相維聯也○比毗忘反

王設其牧。

選諸侯之賢者為牧使牧理之

制其職各以其所能。

牧監參伍之屬用能所任秩次

制其貢各以其所有。

國之地物所有

王將巡守則戒于四方曰各修平乃守攷乃職事無敢不敬戒國

有大刑。

乃猶女也守謂國竟之內職事所當共具○女音汝竟音境其音恭

及王之所行先道帥其屬而巡戒令。

先道先由王所從道君前行其前日所戒之令

王殷國亦如之。

殷猶眾也十二歲王若不巡守則六服盡朝謂之殷國其戒四方諸侯與巡守同○朝直遙反

王方氏掌土圭之法以致日景。

致日景者夏至景尺有五寸冬至景丈三尺其間則日有長短

以土地相宅而建邦國都鄙。

土地猶度地知東西南北之渙而相其可居者宅居也。相息亮反度待洛反渙尸陽反

以辨土宜土化之灋而授任地者。

土宜謂九穀值稗所宜也土化地之輕重糞種所宜用也任地者載師之屬

王巡守則樹王宮。

為之藩羅

懷方氏掌來遠方之民致方貢致遠物而送逆之達之以節。

遠方之民四夷之民也諭德延譽以來之遠物九州之外無貢灋而至者達民以旌節達貢物以璽節

治其委積館舍飲食。

續食其往來。續食音嗣

合方氏掌達天下之道路。

津梁相奏不得陷絕

通其財利。

茂遷其有無

同其數器。

權衡不得有輕重

壹其度量。

尺丈金鍾，不得有大小。

除其怨惡。

怨惡，邦國相侵虐。

同其好善。

所好所善，謂風俗所高尚。○好，呼報反。

訓方氏掌道四方之政事，與其上下之志。

道，猶言也。○王說之四方，諸侯也。上下，君且也。○為于偽反。

誦四方之傳道。

傳道，世世所傳說往古之事也。為王誦之。若今論聖德堯舜之道矣。故書傳為傳。杜子春云：傳當作傳。書亦或為傳。○傳直專反。注同。

正歲則布而訓四方。

布告以教天下，使知世所善惡。

而觀新物。

四時於新物出，則觀之以知民志所好惡。志淫行辟，則當以政教化正之。○惡鳥路，反行辟下。孟反。下匹亦反。

形方氏掌制邦國之地域，而正其封疆，無有華離之地。

杜子春云：離當為雜。書亦或為雜。玄謂華讀為狐。峭之狐，正之使不狐邪。離絕。

使小國事大國，大國比小國。

司禮

司馬政官之職

士

承襲

此猶親也。易比象曰：先王以建萬國。親諸侯。

山師掌山林之名，辨其物，與其利害，而頒之于邦國，使致其珍異之物。

山林之名與物，若岱、畎、絲、泉、擘、陽、孤、桐、矣、利，其中人用者，害、毒、物、及、螫、噬、之、蟲、獸、也。畎，古犬反，螫音釋。

川師掌川澤之名，辨其物，與其利害，而頒之于邦國，使致其珍異之物。

川澤之民與物，若泗、濱、浮、磬、淮、夷、蠙、珠、暨、魚、澤、之、雝、蒲、也。蠙，薄田反。

邊師掌四方之地名，辨其丘陵墳衍、邊隰之名。
地名，謂東原、大陸之屬。○邊音原。

物之可以封邑者。

物之謂相其土地可以居民立邑。○相息亮反。

匡人掌達瀆則，匡邦國而觀其慝，使無敢反側，以聽王命。

瀆則，八瀆八則也。邦國之官府都鄙亦用焉。慝，姦偽之惡也。反側，猶背違瀆度也。書曰：無反無側。王道正直。

擇人掌誦王志，道國之政事，以巡天下之邦國而語之。

道，猶言也。以王之志與政事論說諸侯，使不迷惑。

使萬民和說而正王面。

面，猶鄉也。使民之心曉而正鄉王。○說音悅。鄉許臺反。

都司馬掌都之士庶子，及其衆庶車馬兵甲之戒令。

庶子，卿大夫士之子。車馬兵甲，備軍發卒。

以國灋堂其政學。

政謂賦稅也。學修德學道。○政音征。

以聽國司馬。

聽者，受行其所徵為也。國司馬，大司馬之屬皆是。

家司馬亦如之。

大夫家臣為司馬者，春秋傳曰：叔孫氏之司馬驪戾。○驪子公反。

周禮卷三十三終

周禮卷三十四

漢大司農非海鄭 玄註

皇明 後學東吳葛 藹訂

秋官司寇第五

惟王建国，辨方正位，體國經野，設官分職，以為民極。乃立秋官司寇，使帥其屬而掌邦禁，以佐王刑邦國。

禁，所以防姦者也。刑，正人之法。孝經說曰：刑者，例也。過出罪施。

刑官之屬：大司寇一人，小司寇中大夫二人，士師下大夫四人，鄉士上士八人，中士十有六人，旅下士三十有二人。

同禮

卷三 司寇刑官之屬

永懷堂

士察也。主察獄訟之事者。鄭司農說以論語曰。柳下惠為士師。鄉士。主六鄉之獄。

府六人。史十有二人。胥十有二人。徒百有二十人。

遂士中士十有二人。府六人。史十有二人。胥十有二人。徒百有二

十人。

遂士。主六遂之獄者。

縣士中士三十有二人。府八人。史十有六人。胥十有六人。徒百有

六十人。

距王城三百里至四百里曰縣。縣士。主縣之獄者。

方士中士十有六人。府八人。史十有六人。胥十有六人。徒百有六

十人。

方士。主四方都家之獄者。

訝士中士八人。府四人。史八人。胥八人。徒八十人。

訝。迎也。士官之迎四方賓客。○訝。五嫁反。

朝士中士六人。府三人。史六人。胥六人。徒六十人。

朝士。主外朝之治。○朝直遙。反。卷內同。

司民中士六人。府三人。史六人。胥三人。徒三十人。

司民。主民數。

司刑中士二人。府一人。史二人。胥二人。徒二十人。

同禮

卷三 司寇刑官之屬

二

永懷堂

司刺下士二人。府一人。史二人。徒四人。

刺殺也。三訊罪定則殺之。

司約下士二人。府一人。史二人。徒四人。

約言語之約束。

司盟下士二人。府一人。史二人。徒四人。

盟以約辭告神殺牲歃血明著其信也。曲禮曰。泚牲曰盟。

職金上士二人。下士四人。府二人。史四人。胥八人。徒八十八人。

職主也。

司厲下士二人。史一人。徒十有二人。

犯政為惡曰厲。厲上主盜賊之兵器及其奴者。

甸人下士二人。府一人。史二人。賈四人。徒十六人。

○賈音嫁。又音古。

司圜中士六人。下士十有二人。府三人。史六人。胥十有六人。徒百有六十人。

鄭司農云。圜謂圜土也。圜土謂獄城也。今獄城曰圜。司圜職中言凡圜土之刑人也。以此知圜謂圜土也。又大司寇職曰。以圜土聚教罷民。故司圜職曰。掌收教罷民。○罷音皮。

掌囚下士十有二人。府六人。史十有二人。徒百有二十人。

囚拘也。主拘繫當刑殺之者。

司禮

卷三

司寇刑官之屬

三

永懷堂

掌戮下士二人史一人徒十有一人。

戮猶辱也既斬殺又辱之

司隸中士二人下士十有二人府五人史十人胥二十人徒二百人。

隸給勞辱之役者漢始置司隸亦使將徒治道溝渠之役後稍尊之使主官府及近郡

罪隸百有二十人。

盜賊之家為奴者

蠻隸百有二十人。

征南夷所獲

閩隸百有二十人。

閩南蠻之別

夷隸百有二十人。

征東夷所獲

貉隸百有二十人。

征東北夷所獲凡隸眾矣此其選以為役員其餘謂之隸○貉音陌

布憲中士二人下士四人府二人史四人胥四人徒四十人。

憲表也主表刑禁者

禁殺戮下士二人史一人徒十有二人。

刑書

司寇刑官之屬

四

承襲

禁殺戮者禁民不得相殺戮

禁暴氏下士六人。史三人。胥六人。徒六十人。

野廬氏下士六人。胥十有二人。徒百有二十人。

廬賓客行道所舍

蜡氏下士四人。徒四十人。

蜡骨肉腐臭蠅蟲所蜡也。月令曰掩骼埋骹此官之職也。蜡讀如狙司之狙。

雍氏下士二人。徒八人。

雍謂隄坊止水者也

萍氏下士二人。徒八人。

鄭司農云萍讀為蜼或為萍號起雨之萍玄謂今天問萍號作萍爾雅曰萍泝其大者蘋讀如小子言平之平萍氏主水禁萍之草無根而泝取各於其不沉溺○蜼蒲丁反

司寤氏下士二人。徒八人。

寤覺也主夜覺者○覺音教

司烜氏下士六人。徒十有六人。

烜火也讀如衛侯燬之燬故書燬為垣鄭司農云當為烜○烜音毀注燬同垣音袁

條狼氏下士六人。胥六人。徒六十人。

杜子春云條當為滌器之滌玄謂滌除也狼狼扈道上○條音滌注同

修閭氏下士二人。史一人。徒十有二人。

司豐

司寇刑官之屬

五

刑

閭謂里門

冥氏下士二人徒八人

鄭司農云冥讀為冥氏春秋之冥玄謂冥方之冥以繩縻取禽獸之名

庶氏下士一人徒四人

庶讀如藥煮之煮驅除毒蟲之言書不作蠱者字從聲○庶音煮

穴氏下士一人徒四人

穴搏蟄獸所藏者

翬氏下士二人徒八人

翬鳥翻也鄭司農云翬讀為翬翼之翬○翼音翹

柞氏下士八人徒二十人

柞除木之名除木者必先刑剝之鄭司農云柞讀為音聲借借之借屋竿之竿○柞側百反注竿皆同

雉氏下士二人徒二十人

書雉或作夷鄭司農云掌殺草故春秋傳曰如農夫之務去草芟夷蘊崇之又今俗間謂麥下為夷下言芟夷其麥以其下種禾豆也玄謂雉讀如鬚小兒頭之鬚書或作夷此皆翦草也字從類耳月令曰燒雉行水謂燒所芟草乃水之○雉或作雉同它計反去起呂反芟所銜反鬚它計反

蕞族氏下士一人徒二人

鄭司農云蕞讀為蕞族讀為爵族之族謂巢也玄謂蕞古字從石折聲○蕞音摘

翦氏下士一人徒二人

司農

司寇刑官之屬

六

永懷堂

剪斷滅之言也主除蠱
蠱者詩云實始翦商

赤友氏下士一人徒二人

赤友猶言赫拔也主除虫
豸自埋者○赫采音反

蝮氏下士一人徒二人

鄭司農云蝮讀為蝮蝮蝮蟊也月令曰螻蝮鳴故曰掌去龍蝮
龍蝮蝮蟊屬書或為掌去蝮蟊玄謂蝮今御所食蛙也字從虫
國聲也蝮乃短狐與○蝮古獲反蝮音或蝮
音遐慕音麻龍戶蝮反龍莫辛反蛙戶蝮反

壺涿氏下士一人徒二人

壺謂瓦鼓涿擊之也故書涿為獨鄭司農云獨
讀為濁其源之濁音與涿相近書亦或為濁

庭氏下士一人徒二人

庭氏主射妖鳥令國中黎
清如庭者也○射食亦反

衡枚氏下士二人徒八人

衡枚止言語躑躅也枚狀如著橫衡之為之
纏結於項○躑五高反纏戶卦反又胡麥反

伊耆氏下士一人徒二人

伊耆古王者號始為蜡以息老物此主王者之齒杖後王識伊
耆氏之舊德而以名官與今姓有伊耆氏○耆巨之反蜡仕詐
反

天行人中大夫二人小行人下大夫四人司儀上士八人中士十

有六人行夫下士三十有二人府四人史八人胥八人徒八十人

行夫主國使之
禮○使所吏反

周禮

司寇刑官之屬

仁

辰震堂

環人中士四人史四人胥四人徒四十人

環猶圍也主圍賓客任器為之守衛

象胥每翟上士一人中士二人下士八人徒二十人

通夷狄之言者曰象胥其有才知者也此類之本名東方曰寄南方曰象西方曰狄鞮北方曰譯合總名曰象者周之德先致南方也○知音智鞮丁兮反譯音亦

掌客上士二人下士四人府一人史二人胥二人徒三十人

掌訝中士八人府二人史四人胥四人徒四十人

訝迎也賓客來主迎之鄭司農云訝讀為跛者訝跛者之訝○跛波可反

掌交中士八人府二人史四人徒三十有二人

主交通結諸侯之好

掌察四方中士八人史四人徒十有六人

掌貨賄下士十有六人史四人徒三十有二人

朝大夫每國上士二人下士四人府一人史二人庶子八人徒二十人

此王之士也使主都家之國治而命之朝大夫云

都則中士一人下士二人府一人史二人庶子四人徒八十人

都則主都家之八則者也當言每都如朝大夫及都司馬云

都士中士二人下士四人府二人史四人胥四人徒四十人家士

周禮

卷三 司寇刑官之屬

永懷堂

亦如之。

都家之士，主治都家吏民之獄。訟以告方士者也，亦當言每都。

天司寇之職，掌建邦之三典，以佐王刑邦國，詰四方。

典，法也。詰，謹也。書曰：王耄荒度。作詳刑以詰四方。○度，待洛反。

一曰刑新國用輕典。

新國者，新辟地立君之國，用輕法者，為其民未習於教。○為于僞反。

二曰刑平國用中典。

平國承平守成之國也。用中典者，常行之法。

三曰刑亂國用重典。

亂國篡弑叛逆之國，用重典者，以其化惡伐滅之。

以五刑糾萬民。

刑亦法也。糾，猶察異之。

一曰野刑，上功糾力。

功，農功。力，勤力。

二曰軍刑，上命糾守。

命，將命也。守，不失部伍。○守音符，將子匠反。

三曰鄉刑，上德糾孝。

德，六德也。善。父母為孝。

刑

司寇刑官之職

七

刑

四曰官刑。上能糾職。

能能其事也。職職事修理。

五曰國刑。上愿糾暴。

愿慤慎也。暴當為恭字之誤也。

以圜土聚教罷民。

圜土獄城也。聚罷民其中困苦以教之為善也。民不慤作勞有似於罷。罷音皮慤音敏。

凡害人者。寘之圜土而施職事焉。以明刑恥之。

害人謂為邪惡已有過失。麗於法者以其無故犯法寘之圜土繫教之。庶其困悔而能改也。寘置也。施職事以所能役使之。明刑書其罪惡於大方版著其背。著丁略反。

其能改者。反于中國。不齒三年。

反于中國謂舍之還於故鄉里也。司圜職曰。上罪三年而舍。中罪二年而舍。下罪一年而舍。不齒者不得以年次列於平民。

其不能改而出圜土者殺。

出謂逃亡。

以兩造禁民訟。入束矢於朝。然後聽之。

訟謂以財貨相告者。造至也。使訟者兩至。既兩至。使人束矢乃治之也。不至不入束矢。則是自服不直者也。必入矢者取其直也。詩曰。其直如矢。古者一弓百矢。束矢其百簡與。造七報反。

以兩劑禁民獄。入鈞金三日。乃致于朝。然後聽之。

獄謂相告以罪名者。劑今券書也。使獄者各齎券書。既兩券書。使入鈞金。又三日乃治之。重刑也。不券書不入金。則是亦自服。

不直者也。必入金者取其堅也。三十斤曰鈞。○劑子隨反。

以嘉石平罷民

嘉石，文石也。樹之外朝門左，平成也。成之使善。

凡萬民之有罪過而未麗於灋，而害於州里者，桎梏而坐諸嘉石。役諸司空，重罪旬有三日坐，暮役。其次九日坐，九月役。其次七日坐，七月役。其次五日坐，五月役。其次下罪三日坐，三月役。使州里任之，則宥而舍之。

有罪過，謂邪惡之人所罪過者也。麗，附也。未附於灋，未著於灋也。木在足曰桎，在手曰梏。役諸司空，坐日訖，使給百工之役也。役月訖，使其州里之人任之。乃赦之，宥寬也。○著直略反。

以肺石達窮民

肺石，赤石也。窮民，天民之窮而無告者。

凡遠近惛獨老幼之欲有復於上，而其長弗達者，立於肺石。三日士聽其辭，以告於上，而罪其長。

無兄弟曰惛，無子孫曰獨，復猶報也。上，謂王與六卿也。報之者，若上書詣公府言事矣。長，謂諸侯若鄉遂大夫。○傳其管反。長丁丈反。上時掌反。

正月之吉，始和，布刑于邦國都鄙，乃縣刑象之灋于象魏，使萬民觀刑象，挾日而歛之。

正月朔日布五刑於天下，正歲又縣其書重之。○縣音玄。

凡邦之大盟約。涖其盟書而登之于天府。

涖臨也。天府。祖廟之藏。○藏才浪反。

大史內史司會及六官。皆受其貳而藏之。

六官。六卿之官也。貳。副也。

凡諸侯之獄訟。以邦典定之。

邦典。六典也。以六典待邦國之治。

凡卿大夫之獄訟。以邦灋斷之。

邦灋。八灋也。以八灋待官府之治。○斷丁亂反。

凡庶民之獄訟。以邦成弊之。

邦成。八成也。以官成待萬民之治。故書弊為懲。鄭司農云。懲當為弊。邦成。謂若今時決事比也。弊之。斷其獄訟也。故春秋傳曰。弊獄邢侯。○弊必世反。

大祭祀。奉犬牲。

奉。猶進也。

若禋祀五帝。則戒之日。涖誓百官。戒于百姓。

戒之日。卜之日也。百族。謂府史以下也。邦特牲日。卜之日。王立于澤。親聽誓命。受教諫之義也。獻命。庫門之內。戒百官也。太廟之內。戒百姓也。

及納亨。前王祭之日亦如之。

納亨。致牲。○亨普庚反。

周禮卷三十四
奉其明水火。

明水火所取於日月者。

凡朝覲會同前王大喪亦如之。

大喪所前或嗣王。

大軍旅。涖戮于社。

社謂社主在軍者也。鄭司農說以書曰用命賞于祖不用命戮于社。

凡邦之大事使其屬蹕。

屬士師以下也。故書蹕作避。杜子春云避當為辟。謂辟除姦人也。玄謂蹕止行也。○蹕本亦作蹕音畢。

周禮卷三十四 終

